



مشیخت جلیله اسلامیه نک جریده رسمیه سیدر

جادی الاخره ۱۳۳۴ [*]

عدد: ۲۴

آیده بر نشر اولنور

اوپنچی سنه

زهد و صلاح اسلاميتك لازم غير مفارقيدر. نسوان اسلام عفت وعصمتك ذی حیات
تمثالیدر. تسترده کی حکمت و قیمت پک بالاتریندر. مخدرات اسلامیه بو حکمت علویه نك
ایجاباته رعایتده ذره قدر قصور ایتمه ملیدر. استقبال مملکتک مهد حیاتی آنلرک دست
فضیلتنه مودوعددر. ملتارک شوکت وعظمتلرینی تأمین خصوصنده حسیات دینیه وفضائل
اخلاقیه نك تأثیری پک مهمدر.

دینمزک علوی، ملتمزک نجابتی سرمدی سعادتلر مزدددر. شعائر دینیه مزه تمامیه رعایت
وفضائل ملیه مزی حقیله ابرازه غیرت معناً و مادهً تعالی وترقیمزک اک متین اساسلریدر.
هر زمان اوامر الهیهیه مطاوعت ونواهی صمدانیه دن محبانیت ایله مهلری مقتضی بولونان
مؤمنین ومؤمناتک رمضان مغفرت نشانده صوم وصاله کبی فرائض مبعجله نی حسن ادایه
صوک درجه اهتمام ایله وعد جلیل صمدانییه احراز لیاقت وملتمزک موقع بلند اخلاقیسنی
هرکس نظرنده اثباته بذل مقدرت ایله مهلری شریعت غرای اسلامیه نامنه توصیه اولونور.

تبلیغات عمومی

اسرای اسلامیه نك تابعات عثمانیه ایله ازدواجلرینه اذن ویرلک ایچون تذکره عثمانیه استحصاله
ایللری حقنده

اسرای اسلامیه نك تبعه عثمانیه ایله عقد ازدواجلری حقنده مهاجرین مدیریتدن
اذنامه طلب اندلمکده اولوب بونلرک سجل نفوسده قیدی اولمادیغی ویدلرنده تذکره
عثمانیه بولنمادیغی جهتله بوقیل مراجعاتده بولنالره اذنامه ویرلسنه ویا مجلس اداره جه
عقدلرینک اجراسنه دائر اسکیشهر قاضیلکنندن کشیده ایدیلن تلفراقنامه اوزرینه حربیه
وداخلیه نظارت جلیلهلری ایله بعدالخبره اسرای اسلامیه نك تذکره عثمانیه استحصالی
ایله تابعات عثمانیه ایله ازدواجلری ایچون اذنامه اعطا ایدلمی خصوصنک تعمیماً قضاة
کرامه تبلیغی مجلس تدقیقات شرعیه دن افاده ایدیلرک ایجابی اجرا قلنمش اولغله طرف
فاضلانلرندن دخی اکا کوره معامله ایفا ونسخ ملفوفه نك ملحققات قضاتنه اسراسنه
همت اولنسی سیاقده شقه محبی ترقیم قلندی . ۱۲ رجب ۱۳۳۴ و ۲ مایس ۱۳۳۲

*

* *

مأمورینک معاشه استحقاق ودواملری حقنده

خرجراه قرارنامه سنک مأمورینک معاشه استحقاقی مرکز مأموریتته مواصلتیه

مشروط اولديغندن باحث اولان برنجی ماده سی درسعادتن ولايتلر ويا ولايتلردن درسعاده مأمور اولانلره مخصوص اولوب مقيم بولنديغی محله بر مأموریته تعین اولنانلره شمولی بولنديغی جهته بوکی مأمورلرک ایشه باشلايوب باشلامالرنده کی احواله کوره معاشه استحقاقلرینک اصول ومقررات صریحه یه توفیق اقتضا ایده جکی ومأمورینک صورت دواميله بوباده مبالا تسزلی کوریلنلر حقنده یاپیله جق معامله نظامات مخصوصه ایله تعین وتحید قلمش اولديغندن بعدالتعین بلا معذرت وظیفه مأموره سنه بدأ ومباشرت ایتمیلر حقنده دوام خصوصنده کی نظامات موضوعه دائره سنده تطبیق معامله اولنسی لازم کله جکی دیوان محاسبات ریاست بهیه سندن وقوع بولان استفسار اوزرینه لدی الحواله شورای دولت مالیه ونافعه دائره سندن بامضبطه انبا وتعمیماً دواثره تبلیغات اجرا قلمش اولديغندن ایفای مقتضاسی باتد کره سامیه ازبار ایدیلوب کیفیت تعیمماً قضاة کرامه تبلیغ اولنمش وملحقات قضائنده کوندرلک اوزره اشوتحریراتک نسخ کافیه سی لفاً طرف فاضلانلرینه تسیار قلمش اولديغنک بیانی سیاقنده شقه محبی ترقیم قلندی .

اوقات نظارت جلیله سی تبلیغات عمومی سی

خطابک غیری جهات ایچون لاقلا شهری یوز غروش وظیفه تأمین ایدر نقود ویا عفار وقف ایدلرکجه برات ویا وثیقه ویرلیه رک بلا توجیه ایفای خدمت ایتدیرلمسینه دائر خطابتن غیری قیود ووقفیه جه مقید و براتله تصرفی مسبوق اولنیان ویاخورد اسکی ویا یکی وقفیه ایله وظیفه تخصیص اولنیان جهات غیر مشروطه نک توجیه وتوثیقته عمل اولیوب خدمتلرینک سابق وجهله ایفاسی ودیکر صورتله مخصص وظیفه لری واریسه وظیفه لرینک ده اعطاسی حقنده شورای اوقاچه مقدا اتخاذ اولنوب ۲۲ تشرین ثانی سنه ۱۳۳۰ تاریخ و $\frac{۷۵۵۶۰}{۷۶}$ نومرولی تحریرات ایله تعیمماً تبلیغ اولنان قرارک مفهوم مخالفندن بالاستفاده محضاً احداث جهات واستحصال برات ویا وثائق مقصدیه اوچ لیرادن اون لیرایه قدر ودها زیاده بر مبلغ وقف ونمالری اوقیل جهاته وظیفه تخصیص اولنه رق محللرنجه معامله ابتدائیه توجیهیه لری بالاجرا اوراقلری وقفیه لریه برابر ارسال اولنحقده وحالبوکه برجامع شریفده وبرمسجد منیفده امامت ومؤذنک و قیم و فراشلق کی بش وقتده شرعاً لازم الاجرا اولان خدمات مقدسه نک نقود موقوفه مذ کوره نک نمای سنویسی اولان الی غروشدن یوز غروشه قدر بر مبلغ جزئی مقابلنده بر سنه متماًدیاً ایفاسی الجآت زمانیه وهر دقیقه ترقی ایدن احتیاجات بشریه ایله قابل توفیق اولیه حنی درکار و بناء علیه خدمات مذ کوره